



大鴻山房遺藁卷六

長沙黃湘南一吾著

初夏遣興

溆浦

蘇州

芸香細蕝一簾清坐對陳編逸興生黃鳥不知春已去  
綠楊陰裏兩三聲

森森繞屋翠篁齊人在空堂掃燕泥幾日廉纖梅子雨  
一篙新綠漲前溪

無字

曉起微風爽東園景物妍小荷浮綠水高柳罨晴煙失  
學年將壯忘機性自偏故人滿京雒無字問林泉

大鴻山房遺藁卷六

寄彭敬亭客承順

三生一晤喜論文忽奏驪歌兩地分楚塞秋深曾憶我  
去秋敬亭湘濱草綠更思君山高樹接岷岷秀澗僻人  
依虎豹羣見說瀘蠻爭乞句翩翩公子姓名聞

采蓮曲四首錄三

蓮花何蕊蕊蓮葉何田田蓮子秋來熟江南隔遠天  
東沼蓮西沼花容照眼新並頭還並蒂如笑獨眠人  
日暮遇所歡相望隔煙雨歡愛蓮子甜妾嘆蓮心苦

赴漢陽西別諸同人

清晨聽雞鳴出門屢迴顧爲君盡一尊送我赴長路

川江溪雨扁舟激煙霧非遊非不住依人計良談朝雲  
方出山暮鴉忽歸樹誓將守郎園庶以遂吾素

長沙登舟

千里漢陽道扁舟孤客遊水添湘浦漲天入洞庭浮岸  
遠迷芳草江清數白鷗吾生慣飄泊流恨滿汀州

兩泊靖港

極目臨清湘積陰起朝霧風雨江上來瀟瀟天向暮寒  
濤捲平沙低雲濕遠渡宿鷺洲邊飛漁舟浦口住野市  
幾人家空濛隔疎樹轉蓬慨我生茫茫指前路

湘陰

大鴻山房遺藁

卷六

二

羅子遭封在江城倚棹初青窈花外市白舫樹邊漁作  
客慚投刺懷補誦卜居坐看鷗鷺戲蕭灑意何如

土星港曉發

打鼓發煙汀夢回眼初拭繁星猶在天江天未辨色須  
臾陽景升照徹深林黑孤舟如急砂一帆飽風力萬頃  
湖水平滄波望無極羽化疑隨風凌空展雙翼

洞庭湖歌

洞庭之廣八百里荆南大藪雄岳州九江七澤水全匯  
坐着萬頃閒鴻溝青草白沙盡滅沒九十九灣不可求  
浪奔遠連大江尾濤翻高拍君山頭怪清引濁混漢澤

碧落輕沈坤軸浮蕩滌青雲浴白日煙霏霧歛雷霆收  
水底沉沉伏神物蛟龍睡起鼉鼉遊巴陵城郭忽隱見  
數峯蒼翠迷雙眸四顧空明但一氣恍如玉宇登瓊樓  
樓指五湖此第一滔滔不數河濟流仙山縹緲落人世  
何須海客談瀛洲蘭橈桂楫中流鼓片帆風飽別南浦  
叩舷歌罷逸興飛渺渺予懷弔千古湘君屈子畱冤魂  
金枝翠旗在何許甫也涕泗白也狂文章光燄總黃土  
吁嗟天地寄蜉蝣終古夢幻不堪數何當跨鶴凌飛仙  
不然放棹從漁父

萬壽湖

大瀋山房遺藁

卷六

三

飛來已驗岳家軍迅向潢池掃寇氛千載平湖遺恨在  
不容唾手取燕雲

岳州

曲抱江城萬嶂青岳陽樓畔客重經蕭山尚記秦皇牌  
琅竹曾傳帝子靈風雨舟中魂易斷鄉關箇裏怨難聽  
興來且醉巴陵酒披豁塵襟俯洞庭

岳陽樓

百尺登臨好荆南第一樓天從山外濶城向水中浮  
業雷書笥生涯寄釣舟向來憂樂意未忍付東流

巴陵行弔梁元帝

金甌已壞老公縛短足鮮卑忽跳躍義師雲集石頭城  
岳陽也奮勤王畧可憐骨肉相賊戕遺書不聽祁陵王  
求援却向宇文氏江陵夜破七官亾不惜稱臣夷七縣  
梁家血食僅一線帝制猶看行國中歸珠纒起畧安奠  
那知強敵盟竟寒舉家號泣歸長安祇今社鴉社鼓在  
日向巴陵哀舊藩

戒陵磯守風

石尤雨日何匆匆冥冥夏日來北風城陵磯下繫孤艇  
客踪飄泊如飛蓬坐看長江捲白浪俯仰一嘯天地空  
咫尺岳陽樓頭望澧州也在東湖東

大禹山房遺藁

卷六

四

湖港書所見

鳳髻攢花鈿冰膚隱翠袿兒家船上伴船繫綠楊西

祭風書

石頭關下野蒼生百尺高臺對晚晴北向黃岡迴嶺勢  
西連白帝走江聲風威自與周郎便鼎足從教漢業成  
名士千秋賸遺址綸巾羽扇不勝情

小林夾間笛

如鉤新月隔林明淼淼煙波遣客情江上何人弄橫笛  
鄉關一夕遠愁生

餞洲

綠楊陰裏酒旗低  
曉日煙籠十里堤  
無數紅樓臨碧水  
依依好夢到湘西

漢陽懷古四首

賦成鸚鵡一時驚  
芳草洲邊自擅名  
過客不須怨黃祖  
可知孟德殺狂生

殷勤解珮有情無  
仙子何來邂逅殊  
癡絕當年鄭交甫  
佳人不愛愛明珠

江波淼淼晚潮生  
聚首天涯慰別情  
千載題襟佳話在  
荒煙蔓草憶飛卿

樹猶如此我何堪  
腸斷行人是漢南  
一自桓公流涕後  
大瀉山房遺業

卷六

五

長條終古拂江潭

渡漢江

一葉乘風曉渡初  
江波淼淼欲凌虛  
郢門山色連衡嶽  
漢口濤聲瀉尾閭  
遺跡空傳仙客種  
野歌終怨武昌魚  
飄零底事來千里  
躑躅朱門魏曳裾

武昌二首

鄂渚重來動越吟  
蛇山擁翠好登臨  
孫權城畔英風渺  
庾亮樓頭逸興深  
繞郭亭臺煙冪冪  
連天波浪日沈沈  
一從郢客陽阿奏  
到處清歌怨不任

滔滔江漢擁高城  
愛聽漁歌歎乃聲  
鸚鵡洲迴菟草合

鳳凰山遠野雲平至今詞客推崔灝終古騷人詠  
何處臨風三弄笛梅花一曲結遺情

登黃鶴樓

披襟直俯三千界攬勝先登第一層樹外夕陽連障日  
天邊帆影下巴陵離情對酒人如夢瘦骨臨風客似僧  
興到題詩白雲裏欲騎黃鶴上嶙峋

鄂城書感二首

野草晴川杳荒煙鄂渚深青山環郡閣白浪震江濤  
有馮驩劍囊無季子金來遊經五度彈指惜流陰

山堞起悲翁中宵百感踰三年空滅字四海已無家  
敗大滌山房遺藁

卷六

六

壁紅燈暗虛窓皓月斜孝標今不見誰更念西華

漢口竹枝詞二首

樓臺歷歷俯江濱商賈喧闐據要津一笑舟車紛繚繞  
垂楊不解繫行人

盈盈嬌小十三餘橋畔紅樓是妾居此地繁華同建業  
囑郎好食武昌魚

巴陵竹枝詞二首

岳陽樓下水平鋪鷓鴣雙雙水上呼日暮東湖風浪起  
郎舟聞已向西湖

平湖如鏡不生波湖水何如妾恨多行到君山怨真竹

黃陵廟裏拜湘娥

張樂

軒皇鼎未鑄荆山張樂會聞向此間太息千秋簫瑤歌  
祇餘湖水響潺潺

行路難

我欲乘槎泛天河雲霄縹渺空中過我欲挂帆渡滄海  
島嶼微茫果何在木蘭檝汝棠舟飄飄千里隨江流煙  
波浩淼何所見惟見浴鳧飛鷺出沒而浮游颯颯驚風  
催急雨孤篷浙漚泊南浦子規夜啼山鬼號水底蛟龍  
忽起舞故鄉回首歸不歸危哉一命似懸縷人生貴適  
大鴻山房遺藁 卷六 七

意客路徒悲傷君不見十千美酒羅高堂玉簫金瑤飛

壺觴

自漢陽歸題狄西巖先生雪梅書屋詩

我行漢陽道暑氣蒸蓬窻歸來案頭見新帙颯然襟袖  
生清涼先生少年擅吟咏老去高歌適其性湘江解組  
不思歸牛耳騷壇氣偏勁旅館蕭條陳一編鴻裁麗製  
紛芊綿好句如梅復如雪清香冷豔交相旋君山高臥  
涪川泚和靖孤山號處士詩中髣髴如其人胸懷灑落  
淨纖滓年來愧我曾塗鴉塵羹土飯空聲牙忽然金針  
得盡度吐棄糟粕茹精華傲哦朗誦快擊節兩手生風



日鏡沫窈如驢背孟浩然踏雪尋梅心境微

得五弟湘杞書

夜夢依京國朝來得汝書潘輿欣自本陸厝計同若久  
客愁炊玉干人愧曳裾似對燈下讀舊學廡三餘

呈楊西巖丈

關西伯起舊知名夢入鱣堂兆已呈問字續紛飛玉屑  
吟詩錯落擲金椀頻呼紅線仙姿近先生姬人爰寫烏  
絲豔曲成如畫芳園聊寄應一時心迹喜雙清王維能詩

閨怨限一花名二酒名三美人名四曲牌名五鳥  
名六官名七地名八藥名

大瀉山房遺藁

卷六

八

悄卜金錢倚繡幃蒲萄架底月陰移紅繡染淚羞題句  
彩筆凝塵嬾畫眉夢裏容歸鸞鏡合軍中書到鯉魚遲  
柔情盡付相思水坐數殘更續斷時

寄汪心齋先生

一別春風歲月長踟蹰憑短札寄茅堂半生衣鉢遺經重  
白首眠餐老福強兒女關心生死淚弟兄聚首盛衰場  
先生兄弟三人多情若問依劉客憔悴登樓賦幾章  
人句俱古稀

松下偶坐

暮翠滴長松陰陰日初午微風枝上來泉聲雜鳥語跌  
坐澹忘歸蕭然滌煩習

夏日閩鄒菊裳過等覺寺却寄

白粥緇衣汗似漿，難將襤襪傲羲皇。  
羨君信宿菩提境，謾謾松風徹耳涼。

山窓

山窓初向午，睡起夢魂清。  
且復陶天趣，非關謝世榮。  
小池花鴨泛高柳，暮蟬鳴獨熱。  
心何有涼風，習習生

壬寅立秋

昨夜西風起，庭前落葉飛。  
幾年身落落，千里夢依依。  
未見魚書到，曾傳鶴馭歸。  
庶毋朱有商耗遙憐諸弟妹，辛苦奉春堂。

聞

大澗山房遺藁

卷六

九

首秋懷長原兄在越

秋至山齋日掩扉，井梧風裏葉初飛。  
雲邊已見南來雁，可奈行人久不歸。

秋夜獨坐

明月照虛帷，寒風振廣厦。  
草木華露滋，秋意正瀟灑。  
蟋蟀鳴庭除，孤鴻唳中野。  
徘徊不能寐，感時淚盈把。  
衣裾良不完，何爲卒歲者。  
一笑寒士心，憂樂在天下。

八月十一夜對月作

寒輝動襟袖，小坐月初初。  
朔霄漢光猶薄，山河影漸盈。  
空蟲語寂夜，靜露華清。  
此夕高堂望，應多故國情。

壬寅中秋

碧落淨娟娟冰輪人夜懸清香浮桂樹素彩動華筵縱  
被純陽蝕還能永久圓靈槎如可泛我欲繼張翥

殘更二首

獨坐情何適挑燈夜漏長夏蟲作秋語北雁正南翔病  
覺衣冠嬾貧嫌筆墨怗含悲值搖落無計定行藏  
殘更來寂歷月影散空林夜靜夢初斷天寒秋又深不  
堪驚落葉况復急清砧舊事頻回首淒涼五載心

過大目寺

筍輿度危嶺蘭若響疎磬滿院修竹深參天古松勁林  
大瀉口房蓮葉

卷六

十

光靜猿心花氣和鳥性石龕藪沉檀香散微風定我來  
禮瞿曇塵心一時淨

秋深

蕭條望不極江上夕陽斜葉落空山逕秋深野客家亂  
蟬吟廢院古木集寒鴉何處愁堪遣東籬已放花

曉來二首

曉來爽氣撲天浮衰柳寒蟬送暮秋嶺外雲間過雁陣  
渡邊風急下漁舟懷人遠道音書絕卧病滄江歲月流  
回首長安成往事五陵何處悵前遊

燈前獨坐影蕭蕭數卷詩書伴寂寥半夜濃寒生枕簟

一天急雨點芭蕉。秋深楚澤人猶病。夢入京華路更遙。  
見說長風尚堪借。幾年棲息。愧鴛鴦。

鄧菊裳新構將成寄之

十載心情感繫。菀臆君幾度。費推敲。寒塘露滴。荷香滿。  
野塢煙籠竹影。交未必。名流多寄廡。從知勝地好。誅茅  
堂成。合比揚雄宅。且向元亭作爾嘔。

過桂花園感成

芳園重過已經年。桂樹飄香尚宛然。寂寞北堂人已去。  
花開花落總堪憐。

哀杜行有序

大瀉山房遺藁

卷六

十一

桂花園在中湘城南丹桂一株老幹參差百年  
物也花時清芬遠襲主人不在琴折殆盡余憫  
其託非其地且無人以  
護之也作此詩以哀之

花園秋老生寒煙。香生古桂含清妍。萬斛金粟接霄漢。  
滿枝燦爛高低懸。紛紛觀者蓋如堵。攘臂折取爭後先。  
空堂寂靜主人去。嗟哉賊賊誰與憐。桂乎桂乎胡不生  
於清虛之府。隨素娥以躡躡。胡不長於小山之麓。借高  
士而流連。無端溷迹在都市。受茲剪伐空愁煎。桂乎桂  
乎。休愁煎君不見蒼松翠栢。作樑棟美植安得全。其天  
一笑。明丹桂我言如此。然不然。

寄長原兄西泠

風雨秋來盡想誰問遠遊  
悲深還改配客久後登樓入  
幕才名好編書勝境收

近聞分修西湖志

遙知鄉思切蔓迳碧

洲流

送十四叔父

服闋赴武林需次

重陽節到酒盈卮聽奏驢歌別淚滋  
樂載倚廬貧且病一官遠道去偏遲  
雲開南浦滕王閣雨過西泠伍相祠  
秋棘何堪託鸞鳳搏風健翮好乘時

送十八叔父

需次秣陵

蓼莪廢讀賦閒居困守城南雨載餘  
碧漢迢迢施詔去清江淼淼挂帆初  
行經廬阜鐘聲動到及秦淮柳色舒  
大鴻山房遺藁

卷六

主

作尉真堪繼梅福風流吳市有誰如

幽棲一首與劉駿人

幽棲真自適茅屋繞千峯  
選石閒敲奕看雲倦倚松兒  
多應虎變親老未龍鍾  
好叙天倫樂迢迢物外踪

無題

紅窓睡起日初高  
輕揭珠簾看碧桃  
一段春光拋未得  
雕欄倚徧不知勞

髻拖絨線倚窓楹  
一幅羅巾瀨未成  
卽道後園紅杏發  
勸儂今日且閒行

聞度小步折花枝  
笑語牆東雨袖垂  
爲恐卽心多護惜

軟艷欲上更遲遲

芙蓉簾外杏花殘  
悄託香腮倚畫欄  
貪與檀郎聞鬪腕  
不知翠袖透春寒

畫長針線手慵拈  
香裊沉檀不捲簾  
坐久忽聞梁燕語  
無端春意上眉尖

紉窓日午夢初回  
雨鬢鬆鬆倚鏡臺  
欲把雙眉倩郎畫  
開簾忽見小姑來

春寒卯酒臉初紅  
笑折花枝出畫櫺  
一任郎呼佯不應  
却隨蝴蝶過牆東

鄰家姊妹暇時過  
笑語連翩踏碧莎  
低拂花枝紅映面

大鴻山房遺藁

卷六

七

不知春色落誰多

東風滿院柳毵毵  
一徑香塵春意酣  
女伴相逢頰鬪草  
閒情只愛鬪宜男

閒來花底捉迷藏  
花氣氤氳笑語香  
驀地背郎牆外去  
芙蓉池上看鴛鴦

偶步春園曲徑長  
鞋幫濃透碧苔香  
尋花不覺金釵墜  
更聽鶯聲過柳塘

梨花滿地不開門  
驀見檀郎走近身  
可怪侍兒烹茗至  
幾回遣去總無因

落花風雨下重簾  
倦眼朦朧倚枕函  
自是芳心長愛黛

濃寒猶着淡羅衫

聽到子規春已深  
銅環靜扣院沉沉  
笑儂不向花前立

祇恐郎歸沒處尋

玉貌香燼裊餘煙  
影動花陰夜色鮮  
並坐綺窗待明月  
請郎今夜莫先眠

理罷殘粧下翠樓  
窓前絮語總難休  
小姑未解鴛鴦好  
也把鴛鴦繡枕頭

梅樹曲

花開梅樹妍  
葉長梅樹暗  
本是同根生  
春夏不相見

烏棲曲

大灣山房遺藁

卷六

七

吳王開宴西子歌  
銀燈翠幙光婆娑  
驚烏繞樹天將旦  
醉舞宮中猶未倦

有美人兮一首

有美人兮自名羅敷  
同年奚若十五有餘  
遵彼微行盈盈不語  
榮耀靡常泣涕如雨  
有鳥高飛文采婆娑  
瞻望弗及我勞如何

遊仙八首

乘風我欲謝塵囂  
水湧瀛洲萬丈高  
未向雲中期汗漫  
且從海上逐盧敖

鼎養金丹火候成  
松風樓上坐吹笙  
玉京瑤闕無多路

手把芙蓉取次行

閨風高處綺筵張鳳肺鸞胎佐玉漿莫笑杯盤狼籍甚  
從來仙客性疎狂

宴罷清都跨鶴聞天風吹動珮瓊瑰洞中道侶如相問  
攜得瑤池美醪來

歷盡滄桑大道成偶來人世駐雲旂兒家自愛閒遊戲  
不爲多情覓蔡經

少小瑤宮織七襄謫來北斗不成章雲裳欲寄牽牛去  
愁對明河萬里長

偶乘紫鳳上層城響徹瑯琊法曲成玉女瑤姬齊侍坐  
大瀉山房遺業

卷六

五

風流應讓許飛瓊

煙霞深處掩巖扉鶴夢眞教塵夢稀洞口時聞仙犬吠  
猶疑花下阮郎歸

採蓮詞十首錄八

綠樹陰濃覆碧苔香閨深鎖悶難開採蓮好向南湖去  
相約明朝趁早來

朝來草草試粧新聯袂溪邊笑語親欲上蓮舟還又住  
昔人先自禱花神

波紋縵碧漾輕橈欸乃東西隔小橋一樣蓮花倚棹旒  
折經纖手更嬌妖



水面湘裙六幅拖雲鬟斜暎裊香波蕩舟自覺嬌無力  
一折花枝力便多

採蓮歌度採蓮航一派清歌繞碧塘行到前溪聲乍歇  
怕驚葉底睡鴛鴦

淨植天然帶雨濃自知人面勝花容怪他岸上行人滿  
不看蓮花只看儂

處處紅衣映綺霞一枝素影獨橫斜折來相賽還相祝  
嫁得仙郎貌似花

流連竟日極歡娛放棹歸來夕照徂姊妹相逢頻問訊  
採蓮採得並頭無

大滄山房遺藁

卷六

六

送人之貴陽幕

送上蘭舟客路遙湘西風雨晚瀟瀟辰陽水險灘聲急  
貴筑雲環嶺勢驕秋晚平林鶯木客夜深獨館走山魈  
憐才賴有介狐楚東閣應堪慰寂寥

朔風二首

朔風徹夜吹朝來雪未住寒威透單衾輾轉夢初寤山  
妻向余言縞衣徹無絮大兒履將穿小兒未成袴繞牀  
啼目號愴然矧百慮天運有循環委心任來去推窻看  
梅花冷香尙如故

寒梅方破臘有客揮彩箋邀我醉花下美酒餘十千臨

傷忽不御躡躑華堂前負薪感翁子吟哦守陳編牛衣  
卧仲卿對泣空河健男兒不得志肯受庸庸憐雷電氣  
難過掛壁飛龍泉

寄十七叔父

客樂平

篤依親舊遠相尋秋色蕭蕭歲月深對鏡應憐潘岳髮  
遊山未了向平心水生彭蠡連天香雲起匡廬接地陰  
樂日征途指燕趙又從臺上問黃金聞有蕪門之行

小阮真輸大阮賢一琴一劍尚依然無家漫作登樓賦  
有夢還成陟岵篇桂府路遙香未挹芸窗塵滿硯難穿  
微才自分歸葱肆深愧龍文許十年

大瀉山房遺藁

卷六

七

送周汝陽赴其弟安縣縣尉任省母

爲省慈幃感易生澎湖返棹又西征

汝陽方自臺澎歸

江聲夜

急黃牛峽樹色寒深自帶城自識官衙饒樂事莫因邊  
塞動鄉情嗟予亦有瞻雲意何日扁舟赴上京

過宋孝子陳道周墓

孝子芳聲萬古尊偶來憑弔一銷魂祇餘弱柳垂官巷  
無復寒花繞墓門

墓前舊有梅數株

兩過殘碑留血暈赤深斷

碣長苔痕劇憐宋史揮椽筆名字傳疑孰討論

宋史理宗本紀

實慶二年詔湘潭陳充民孝行表其門無道周名而潮  
潭縣志祇有道周無充民名豈卽一人而傳聞紀載之

耶  
偶異

寄家書感成

跼蹐瞻慈母傳書向薊州孫癡仍廢學婦病况多愁獨  
覺兒身健終思父志剛倚門南望處老淚莫頻流

鄧菊裳石開山房落成喜寄

十笏維摩室方塘一鑑流橋通花外逕樹隱水邊流未  
許野人問偏宜騷客畱塵心應掃盡清福幾生修  
况有賢能婦偏同黽勉心齊眉鴻案好採藥鹿門深  
豈圖香初茂鴿原樂且湛何時過三徑竹下一相尋

雪中寄人

昨夜西堂雪寒生几席間遙知高卧者幾日掩柴關古  
大瀉山房遺藁卷六  
木羣鴉散空山獨鶴還不逢洛陽合誰更識君山

對雪

向曉風吹雪冥冥小院陰清輝插几榻冷氣聚衣襟綠  
水潔逾潔青幽深復深騶驢誰覓句合向灞橋尋

寄耿雲上人

卧病意不適歲晏寒氣滋憶汝空門裏岑寂誰與知曇  
花倏萎落順變宜自持上人睡醒月咫尺不能覲短章

仲我思

西山訪人不值

閒居一榻訪松下叩巖扉門靜犬初吠日斜人未歸石

根流水甘樹杪白雲飛去去頻回首蒼煙滿翠微

寒夜示內子

促坐寒宵靜微風送遠鐘夢中親弟妹燈下病形容衣  
馬輪同學耕耘愧老農吳門聊寄廡舉案且相從

夢田

夢田燈欲燼寂歷數殘更風雨自寒夜山川多遠情何  
當尋骨肉豈敢謝功名起效劉琨舞聞雞祇自驚

靳江

兩岸青山送碧流偶臨靳水弔千秋汨羅不着三閭號

底事讒臣姓氏留

大滙山房遺藁

卷六

五

老梅

山中寂寞宜招隱竹外橫斜不計年玉骨冰心誰領取  
一枝香撲歲寒天

陪賓門先生晚步

晚景迎眸好遙岑列翠屏平橋縈草碧亂石吸雲青岸

植將軍竹

先生始祖  
前明將軍

溪環侍御亭

冠石亭先生從  
兄理齋侍御建

桃源

仙境在未許外人經

大雪口號二首

溼霧濃誰遠嶂寒風暗捲長江門外雪深三只不妨高

偶向園林小步晶瑩似上瑤臺何處梅花吐覆溪邊春色歸來

冬日雜詩

山居在何處一徑入松篁雲鎖柴門靜泉清竹院涼  
讀罷啟松關江天浮晚翠寂寂少人行但見羣鷗至  
偶過疎林去寒梅正着花時聞山犬吠花外有人家  
徑轉樹初合溪迴煙更迷悠然無俗響惟有水禽啼  
獨步入深山煙光四山起一僧何處歸遠入白雲裏  
寒夜挑燈坐澆愁獨舉杯照人如有意明月入窓來

遣興四首

大瀉山房遺藁

卷六

三

行處有山有水興來宜畫宜詩人生貴適意耳功名富貴何時

春至青葱綠韭秋來紫蕨紅芋剪菜堪供客饌灌園不問官程

許靖資生馬磨王章對泣牛衣男兒豈終餓死何須隨俗脂膏

吹三弄桓伊笛彈一曲伯牙琴世外非求悅耳塵中漫索知音

歲暮過韶塘祖墓

乘湖風日暮寒山遠瞻塗越修吟清流邈然轉深

林抱危巒雲氣自舒卷  
依稀露孤墜衰草墓門滿  
家風嗟式微世澤尙無殄  
俯仰難爲情蒼松傲歲晚

大瀛山房遺藁

卷六

三

大瀉山房遺藁卷七

長沙黃湖南一吾著

淑浦譚瑤芸帆編

感遇

羣鳥巢樹巔戩翼安其居雛鳥毛日長老鳥毛日枯翻  
然來返哺敢惜予口瘠繞樹飛且鳴依依哀歡娛嗟我  
寄廡人雲白山川徂陟叱瞻高堂方當倚門闥有母不  
能養人而不如鳥

羣雁翔雲中翩翩時隱見作陣復成行後先序不亂稍  
梁非所謀關山非所憚千里蒙雪霜形影終未散嗟我  
寄廡人伶仃誰念難同氣四五人流岩在他縣有弟不  
大瀉山房遺藁 卷七  
能育人而不如雁

癸卯交春日作

昨夜高天轉斗杓韶光侵曉滿東郊自知 聖代多膏  
澤還喜春風到草芽小院雪融梅綻蕊平橋雨過柳含  
梢尋芳且把閒愁遣濁酒頻斟句屢敲

寄丁十九度南肄業上舍

故人多文彩翹翹鸞鳳姿丹穴羽毛滿健翻天風吹一  
鳴謝枳棘高託瓊樹枝歸昌吉將叶來儀文明時嗟予  
尙株守何日出藩籬翹首望霄漢聯翼深遠期

拜先大夫墓

羨門今一到三載恨悠悠草滿春煙合林深曉霧收幾  
時驚化鶴何地卜眠牛欲別還揮涕平生愧少游

寄友人都門

一載相思兩地違雙魚迢遞尺書稀湘濱春草依然綠  
底事王孫尙不歸

寄呈外舅劉抑齋先生

時任道學博士  
別有投簪之志

千里書初到遙憐老病情談經官獨冷作宦歲頻更已  
次歸休計非高隱逸名故園松菊好早晚待泉明

奉陪菊裳悼亡

一夜嫵星隱雲車與世違秦簫聲乍斷謝絮韻初微已

大瀉山房遺藁

卷七

二

見青鸞去空傳白鶴歸惟餘閒餽在林下佈風徽

獨有雙棲鳥孤飛劇可憐春風魂杳杳晨雷淚綿綿忍  
向空牀坐難成永夜眠真同潘騎省腸斷悼亡篇

雨中與劉器人坐

連朝風雨急寂寞不成春與子此間坐蕭然情獨親驂  
騶猶伏櫪雕隼欲離塵更有關山恨高堂夢未真

曉霽口號

濛濛簾外雨兼旬落盡庭花不似春夢轉忽聞山鳥喚  
十分霽色滿前津

寶門先生初度賦呈



喜向華筵進壽卮  
童顏老去見仙姿  
菊當秋晚有佳色  
松到歲寒無敗枝  
白社風流鄉里重  
元亭著述後人知  
歸休漫比煙霞客  
卅載常榮 北闕思

與李十七觀光

年來寂寞感離羣  
尊酒談心賴有君  
作客最憐人寄廡  
揮毫猶覺氣凌雲  
花開小院春將老  
月上虛堂夜已分  
莫使閒愁擾懷抱  
燈前聊與細論文

贈魏吹亭

乍披雲霧喜逢君  
風度翩翩迥出羣  
積學自應開馬帳  
工書端可寫羊裙  
珠藏碧海瑩光徹  
玉種藍田瑞氣紛  
大滌川房遺藁 卷七  
指日收羅遇青眼  
連城聲價一時聞

三

耿雲上人寄示遊作奉答

天上落瑤章  
流麗復清絕  
滿紙吐蓮花  
疑是廣長舌  
暮春科試寓郡城  
桂花園賦呈家稻村兄

江城咫尺跡偏疎  
聚首名園慰索居  
老桂陰濃春霽後  
新荷香細夜涼初  
尊前兄弟狂何甚  
夢裏關山恨有餘

長原兄客 椰絮吟殘憐謝女  
潑陽南望一愁予  
適聞歸 將女弟

病耗

訪菊裝不值

聞道維摩病起遲  
阮亭 偶來方丈慰相思  
簾垂清晝人

何處花覆窻前影自移

與菊裳吹亭樸齋器人諸君小集

首夏餘寒在冥冥小院陰微風峭鳥緩細雨落花深對  
酒聯清話論文見素心莫嫌居近市閉戶卽山林

江夏家聲舊艱難倍慘神詩人多潦倒名士半清貧魏  
野高誰繼劉琨志未伸伸華才更絕相許軼風塵

蘭坡用借對體賦詩見示奉酬

淮南居近桂叢妍梅雨陰連四月天午夜漫傾千日酒  
晨窻閒檢白雲篇紅塵有夢依金闕子舍承歡憶昔年  
望斷漢皋環珮杳重吟柳絮一槍然

大瀉山房遺藁

卷七

四

戲柬蘭坡

時爲王方伯書記

頽唐踪跡寄荒園風雨瀟瀟日閉門恐惹美人樓上笑  
經旬不敢謁平原

送漢陽任別駕二十韻

今代循良傳風流第一人鍾靈傳劍閣浦澤滿湘濱弱

冠天姿異羣書道味親胸中星宿列筆底鳳鸞馴學足

焚膏候名成折桂辰論才原拔萃出宰早臨民仙迹飛

鳧徧苗邇捧檄類

曾在桑植通道諸縣

盤根分利器阜物布陽春

馬借雙旌導車從別駕巡福星沉水照陰雨漢江新麗  
統才滿大王祥品自純定膺方面任端作棟樑臣舊蔭

雷千古餘光照四鄰年時曾許生事轉悲辛風樹情  
何已庭幃夢未真吹簫徒乞食寄廡但容身其笑稽顙  
措誰憐阮籍貧凌雲遲遲嗣處轍困窮鱗漫負彫蟲技  
難爲展驥塵情邀青眼顧感激一沾巾

夢回一首

夢回山閣午小徑且孤行暑自閒中去涼從靜處生空  
潭雙鯉杳高樹一蟬鳴向晚微風至真無逐熱情

螢火

熒熒依廢砌的的度迴廊幾日秋風至無須炫未光

七夕

大瀉山房遺藁

卷七

五

瓜果庭前設雙星入夜浮蛩聲綠古砌月影動高樓露  
重秋將至天空暑未收鄰家小兒女乞巧不知愁

新秋

一宿梧葉落秋氣曉來滋最喜清風至還驚白日馳疎  
陰垂柳岸冷豔匝荷池莫漫悲蕭瑟幽情且咏詩

寄映雲上人

秋來暑氣轉相凌白粥紉衣苦未勝爲憶松門高卧客  
定多法雨洗炎蒸

新月

薄暮雲銷碧落間如鈎新月遠含山短熾半掩芙蓉畫

露出蛾眉一道灣

赴郡城

向曉籃輿發林空宿霧濛荷開芳浦露稻熟野田風未  
覺秋容淡還欣暑氣融綠溪行詰曲吟眺水雲中

喜六弟

湘榭歸弟以畢姻隨其外舅羅益亭先生歸卽寓其舍

汝奉高堂去燕雲萬里違傳書憐久別握手喜今歸旅  
邸愁何似鄉關事半非荊州暫相倚冰玉好雙輝

初度日有感

瑟瑟西風落葉稀流光圓首素心違思親萬里仍離析  
獻賦三年又放歸自笑蟠泥同鷺屈非關避弋學鴻飛

大瀉山房遺藁

卷七

六

一枝幸許長檇託把酒裁詩強息機

舉一女口占

喜試金盆浴門前設帙時嬰窺聲乍發婉婉望非遲已  
覺男多懼會聞女勿悲繞腰史啼勝他日任嬌癡

東翰伯伊中丞幕中

憶昔芳園許結鄰詩篇互答最相親而今綵筆揮蓮幕  
可念樓頭作賦人

哭蔣家女弟

傷哉我與爾命途歷險阻襁褓隨宦游兄妹共艱苦  
堂早見背失竹時子九歲妹五歲難將變故數子有兄妹有所繼姊皆早逝

繼母賢朝夕勤畜拊彈指各成人怡怡喜常聚嚴君謝  
簪纓扁舟返湘浦乃畢向平願嫁婚事接武無奈靈椿  
傾衰門失恃怙諸弟奉板輿流離似風雨而我贅浙江  
俗行寄人廡而爾事夫子濱陽路幾許方期時往還天  
倫式歌舞二豎何遽侵奄忽棄塵宇徒以微名羈舍廡  
未親撫先一日始聞病愈以試事未得往視骨肉長此違條已付黃土西  
山雲自飛悲風響遠渚相望無見期血淚注于縷

### 歲暮偶成

平生少歡娛家庭更多難百憂從中來矧乃值歲晏烈  
烈朔風鳴淒淒嚴霜散綠林隕翠芳青松秀孤幹歸雁  
大瀉山房遺葉

卷七

七

連天飛凍蟲繞砌亂陽昏遮微陰濃寒逼雪案向晚增  
蕭條明星亦何爛疎鐸響空簷殘燈暗虛幔展轉不能  
眠長夜何時旦俯仰愁愈生嘯歌總難按達觀希古人  
聊復舒泮奐賞奇仍攤書遣興且染翰尊開竹徑中杖  
策梅花畔客至開門迎朋來式燕衍醉攜劉子劍狂學  
稽公鍛無爲感窮冬戚戚發長歎

### 除夕

且飲梅花酒年光此夜除五更寒盡候千里夢回初壯  
志頗看劍窮愁欲著書履端明日是生計復何如

甲辰元旦

暗色瞳矐值城朝天開晴霽瑞光饒 一人有道星雲  
燦萬國無偏雨露調栢葉杯中春意釀梅花枝上臘寒  
銷蓬門佇見陽和到莫向書窻怨寂寥

首春四日過等覺寺示耿雲上人

春意將來野氣暄後七日山程十里度嶺旣路迴忽聽

疎鐘響半樹梅花掩寺門

花欄燦爛綺寮深卓錫何須地布金寂寂紅塵飛不到

獨容元度得相尋

曉發天官口示菊裳

侵曉蘭橈發濛濛細雨時橋低新水長岸曲片帆移寒

大瀉川房遺藁

卷七

八

氣生衣重春光入歲遲知交半騰達動即與君隨

呈家鉛門兄

兩載重相聚燈前感慨深探奇遊自壯兄頃自武林歸銜恤淚

難禁阮籍猶迷道成連尙抱琴今宵共情話振觸十年

心

早春書懷

一住荊州歲幾更登樓誰識仲宣情北堂風雨夢初斷

南國鶯花春又生漫以琴書供逸興愧將詞賦博虛名

迂疎未免時人笑忍向秦川問舊聲

尋春次少陵曲江獨坐韻

小徑尋春不記歸山光雲氣共霏微清音處  
翠影穿花蛺蝶飛放浪自安吾道拙疎慵偏與俗  
韶光荏苒須行樂濁酒尊空欲典衣

曉起

雨聲徹夜喧曉起轉蕭索延眺倚柴門霽色滿林薄芳  
樹鶯亂飛碧蹊一花落悠然春意生勉哉及時樂

睡起

睡起山窓午春光似畫圖遊絲縈曉翅落絮綴花鬚石  
淨苔痕上庭空碧草鋪逍遙隨步履已覺我忘吾

蘭雪書屋見燕

大瀟川房遺藁

卷七

九

春陰簾外雨冥冥又見梁間燕壘成王謝堂前人已去  
外舅抑齋先生去秋捐館呢喃猶作舊時聲

春日有憶二首

舊年春色至送客上京畿春色今年至如何客不歸  
茅屋俯清溪重來路欲迷惟餘芳草色綠遍板橋西

月夜避友人不至

月影上虛窓幽琴聊自理不見美人來知音問誰是

懷人詩四首

揮淚送諸弟憶君情更傷兩鬢年正幼多病體難強競  
爽希南阮承歡侍北堂還將瞻望意時爲陟高岡

卷九

風生波籠秋月天津門夜談詩復論文尊酒不知罷狂

殿散浮雲扁舟遂南下今夕一思君落花滿庭柳

唐陶山

逍遙日西逝明月忽東生捲幔寒光入開窓夜氣清空

堵蟲自語幽壑鳥爭鳴不見同心者淒然萬里情

姜藹一

憶昔文場戰論交爾汝忘君才真卓犖我輩共飛揚自

嘆風塵隔頻驚歲月長吳雲連楚樹相望幾徬徨

王槐雨瀟

慕

### 與劉器人索茶

自笑文園渴未蘇偶思苦茗似醞酬盧仝善飲多佳品

肯賜龍團雀舌無

大瀉山房遺藁

卷七

### 寄鄧菊裳中淵幕

山居真息漢陰機三月春光到眼稀隔隴鳴鳩呼婦去

穿簾語燕帶雛歸花間小酌香浮椀松下高眠翠染衣

珍重風流蓮幕客何時乘興叩巖扉

### 暮春雜興

冉冉春將去山中景物殊風停花更落雨霽鳥相呼碧

見秧針吐紅看菜甲敷韶光行處醉不待酒盈壺

閒居多雅課隨地足流連傍石栽新竹分沙引細泉吟

餘還獨酌讀罷且高眠擬著潛夫論窮愁莫漫寧

聞菊裳有次韻之作久不見寄訊之



聞道新詩白雪如拋磚深幸得瓊琚何緣雙鯉久沉滯  
望斷佳人錦字書

寶門先生以登明遠樓詩見示次韻奉和

傳到新詩得未曾遙知意氣擬陳登身臨傑構思遺世

地闢文場重選能舊事關心人易老

先生辛酉春光彈閣中登此

指夢難憑樓頭王粲方懔惺盥誦何愁病莫興

時予方臥病

步月

良夜月初生溶溶上太清光烘雲破障影散地生明薄  
露滋花氣微風碎竹聲吟餘還彳亍疑在玉山行

威鳳篇

大瀉山房遺藁

卷七

十一

丹山有威鳳篤生明聖時九苞猶異彩六象含靈姿方  
當寄元圃託身瓊樹枝不然鳴高岡梧桐可棲遯胡爲  
鍛真羽枳棘毋乃卑營巢方偃蹇戢翼何禪褫燕雀爾  
何物決起相嘲嗤豈知奮飛志常與霄漢期會看翔千  
仞翾翾隨所之阿閣亦爰止紫庭見羽儀歸昌叶瑞應  
神鳥天下知

春暮言懷

萬里庭幃遠三春草木新雨零花作淚風剪絮爲塵去  
住書難到存也夢未真五年覺獨意瞻望一傷神

送春曲

蝦鬚簾外春如許，細雨霏霏織前渚。一片飛花隨曉風，  
枝頭惟有流鶯語。羅幃幃起，殘釵薰香小坐，閒愁窈  
韶光欲去，留不得，遣情且倒紅玉釭。

寄柳友弟

成行雲中雁，樹上連理枝。萬物各有親，於人豈無之。嗟  
予有五弟，流離向天涯。故鄉我獨守，數載勞憂思。去秋  
爾歸里，相見歡復悲。各爲廡下客，咫尺千里違。春期夏  
不至，引領情空馳。何當壘篋奏朝夕，無相離。

水國

水國炎塵淨，柴門晚景幽。殘霞收雨色，返照界溪流。天  
大鴻山房遺藁 卷七 十一

迥歸禽沒林昏，薄霧浮興來。吟更眺一洗古今愁。

菊裳以和章寄示知已解館疊韻奉慰

陸雲才大不慙機，佐廨東頭識者稀。淥水紅蓮人正仰，  
青衫皂帽客還歸。深憐壯志頻彈劍，却慮窮愁欲典衣。  
幕府卽今待書記，豈容高卧掩柴扉。

石塘晚歸效謝康樂體

來茲朝暮上去，此斜照西杖策。遵歸途越陌，循前蹊山  
頭。月方出嶺際，雲猶迷煙嵐。迭明晦疇隴，相高低圓荷。  
肯漉沼早稻，盈綠畦。活活流泉響，依依歸鳥啼。境幽心  
自遠，意曠物可齊。數武柴扉近，蕭然遂幽棲。

讀書偶然作

昔余從宦遊天倫樂相尋嘯歌有逸氣周覽無俗心自  
抱風樹痛伶仃悲至今依人竟屏迹遂令壯志沉蕭蕭  
子山賦寂寂莊舄吟骨肉乃相薄凍餒安可在青陽倏  
已逝花落庭堦陰感時幾惆悵覽物情更深賴茲一卷  
書諷誦開煩惱

仲夏二日寄楊開少

荏苒佳節臨薰風澹蕩作池上抽新荷庭榭始發葍乳  
燕墮畫梁流螢度疎箔感時一流連離羣嘆居索念我  
心中人咫尺若寥廓作客空昂藏誰與共歡譁此時倚  
大瀉山房遺藁

卷七

七

南窓蒲酒自斟酌

夏日雜咏

槐陰日轉暑初蒸攤飯山齋夢不成一陣疾風催雨過  
桃笙七尺晚涼生  
雨餘修竹碧於苔小坐閒傾濁酒杯滿地疎陰篩日影  
清音時送好風來

路入平疇曲折通四圍早稻漾輕風盈盈一碧浮空際  
身在波濤萬頃中

卿泥紫燕生生語點地蒼苔漠漠香忽見林花半零落  
紅雲萬朶捲斜陽

流水

流水石邊瀉野禽林外鳴機心吾已息何處栝樅聲

山行

杖策陟岑嶽瞻塗涉幽邃松篁各參差芟荷呈嫵媚東  
湖抽碧蒲南畝擢嘉穉萬物皆向榮吾生獨憔悴天運  
自循環人事豈終敝感此忤我懷嘯歌且自遂

夜深

夜深人語息閒庭自往復哀猿嘯西林野鳥鳴東谷南  
池蛙響繁北牖蛩聲覺異音忽同來楚然慰幽獨

獨步

大瀉山房遺藁

卷七

古

獨步幽篁裏清陰覆綠苔依然三徑在不見故人來

曉出東臯望二首

曉出東臯望園林旭景開山橋風綠柳野徑雨黃梅水  
靜游魚出泥融乳燕迴此間火塵迹乘興好顛來

讀罷渾無事開窓面野臯雲開山影近潮退岸痕高細  
響翻茶鼎清香注酒槽山家風味在郎此謝塵勞

舅氏秦厚齋先生枉顧賦呈二首

睽違道範幾冬春忽報扁舟到野濱乍喜眠餐猶昔健  
還悲落拓至今貧蟲聲滿院更初轉花影當窓月半輪  
骨肉談深忘暑夜憐孤感舊一傷神

憂患餘生淚易滋青衫落落任人嗤窮鱗未許歸滄海  
短翼徒慚寄一枝但有妻孥愁凍餒會無故舊問茅茨  
燈前捧袂添惻悵獎藉何當副厚期

溪漲

廉纖梅雨足新綠漲溪流動地大聲轉翻空高浪浮波  
平低掠燕岸濶遠眠鷗我欲從漁父滄浪一釣舟

送別厚齋先生

瓜蔓水初生蘭舟客欲行三年違召笑五日別柴荆兩  
霽岸邊柳風喧林外鶯悠悠一相送無限渭陽情

雨歇

大鴻山房遺藁

卷七

七

雨歇古原霽開軒遙望通林端含薄霧雲際宿殘虹鳥  
語深篁裏人行夕照中迴眸心自爽披拂到涼風

過等覺寺歸途作

爲訪廬山客薰風十里香峯迴連曲隴路轉度平梁柳  
色和煙碧鐘聲帶雨涼蒼松隱蘭若彷彿見紅牆  
空門談正洽去去悵離羣鳥影下清澗樵歌喧白雲  
籬巖際出蘿徑樹邊分遠見炊煙起茅檐日已曛

屏迹二首

屏迹存吾道隨時戀物華修篁新斲籜小樹暗交花雨  
壓晴甍重風牽蝶斜欣欣如自得生意滿山家

尋芳過曲徑把釣坐清池荷動魚吹浪花垂鳥踏枝意  
隨流水遠行共白雲遲俯仰多幽興何須世俗知

寄呈舅父秦錫齋先生

江村梅熟雨霏霏遙望雲廬百里遶杖屨每懷離別久  
音書深愧往來稀聞知潘岳添華髮見說嚴光隱釣磯  
嘯傲滄浪一竿老好將詩酒破愁圍

年年附贅倚朱門四海無家忍更論未必文章如阿士  
可堪宅相似陽元貧居已覺友朋少舊物惟餘書劍存  
往事燕南一回首追隨何日慰離魂

詠得二首

大瀉山房遺藁

卷七

夫

溪水含煙碧淺桃花帶雨紅濃記得去年今日佳人此  
地相逢

綠鳳低籠翠鬢宮鴉半簇香鬟重來門巷依舊不見當

時玉顏

小坐

小坐柴門久松陰薄霧籠清光山吐月涼氣水生風宿  
鳥枝頭繞流螢草際烘興來聊步履吟咏與誰同

坐聽二首

坐聽空階浙漉殘推窓雨意倚闌珊濃陰淡靄儻詩意  
絕勝王維畫裏看

風吹疎鐸響虛檐透體微涼旋旋添向晚長空殘霧淨  
送峯一抹出林尖

無題

板橋西畔柳條條一曲澄流展碧綃寂寞溪邊人已去  
惟餘芳草學裙腰

